

Լ. Գ. Խաչերյան

ՊԱՏՄԱԿԱՆ ԱՂԲՅՈՒՐՆԵՐՈՒՄ ԳԼԱԶՈՐԻ ՀԻՇԱՏԱԿՈՒԹՅԱՆ ՀԱՐՑԻ ՇՈՒՐՁԸ

Նրբվանի՞ց է վայոց Ձորը հիշատակվում աղբյուրներում: Այս հարցադրումը հայագիտական գրականության մեջ առ այսօր չլուծված հարցերից մեկն է, որի լուսարանումը կարևոր նշանակություն ունի միջնադարի մշակութային մեր խոշորագույն կենտրոնի՝ Գլաձորի համալսարանի պատմության համակողմանի ուսումնասիրման տեսակետից:

Մաշտոցի անվան Մատենադարանի 1511 համարի տակ գրանցված «Յայսմաուրբ»-ում, Մխիթար Սասնեցու վարքի մի այլ՝ երրորդ խմբագրությունը ընթերցելիս, հանդիպեցինք նաև ներսես Մշեցուն վերաբերող կենսագրական ուշագրավ տեղեկությունների: Վկայելով այն մասին, որ Մխիթար Սասնեցին իր հոր մահից հետո տեղափոխվում է Ապահունյաց գավառի Կերմանից գյուղը, որտեղ և ստանում է քահանայական ուսում, վարքագիրը շարունակում է. «Իսկ մեծ վարդապետն ներսէս, ի հալածմանէ անարէն և ժանդարարոյ ազգին մարաց և եկեալ ի սուրբ ուխտէն Ղազարու աշակերտան իւրով Ծսայաւ, զոր և ժԾ ամ անգ էր փոխեալ դասատուն վարդապետացն մերոց: Եւ եկն ի գաւառն Քաջբերունեաց, ամ մի րովանդակ աստ և անդ շրջագայեալ և վարդապետական քարոզութեամբ զամենեսեան լուսաւորեալ զկարգաւորս և զաշխարհականս: Եւ տեսեալ զերկիրն Քաջբերունեաց տգիտութեամբ վարանեալ առանց վարդապետական ուսման և յոյժ քաջալերեաց զկրանաւորսն հետեւի աստուածաշունչ գրոց գիտութեան: Եւ իճԳն զնաց յերկիրն Սիւնեաց ի սուրբ ուխտն Գլաձորայ: Արդյոք սրանից հետևում է, որ Գլաձորը, իբրև պատմա-աշխարհագրական իրողություն, արդեն գոյություն ունի, երբ ներսես Մշեցին մեկնեց այնտեղ, թե՛, ընդհակառակն, դրա առաջացումն ու անվանակոչումը բացառապես կապված է Ծսայի նշեցու հետ և ճանաչում է գտել որպես այդպիսին միայն հետագայում: Այս մասին հստակ կոահում անել՝ ելնելով միայն Մխիթար Սասնեցու վարքագրությունից մեջբերված խոսքերից՝ չի կարելի, որովհետև վարքագիրը շատ ավելի ուշ շրջանի անձնավորություն է, քան մեզ հետաքրքրող ժամանակաշրջանը. երբ նա գրել է իր վարքագրությունը, Գլաձորը արդեն հասել էր այնպիսի հանրաճանաչ բարձունքի և հռչակի, որի մասին երկբայելը նույնիսկ անհնարին է՝ փաստերի առատության պատճառով: Վարդան Աշխարհագրի ասելով՝ դա այն վայրն է, ուր գտնվում է սաթուղ և վարժարան սուրբ վարդապետացն մերոց»²:

Նույնը պիտի ասել նաև ներսես Մշեցու վարքագիր Գանիելի հաղորդման մասին, որ պաշտոնապես անցել է «Յայսմաուրբ»-ում. «Յայսմ ատուր հանգեալ ի Քրիստոս մեծ և անուանի վարդապետն մեր ներսէս՝ ի վանս Գլաձորայ էճլգ (1284) թրւականիս մերոյ»³:

Բազմավաստակ հայագետ Գ. Հովսեփյանը հայտնում է, որ աղբյուրներում Գլաձորի մասին առաջին տեղեկությունը հաղորդվում է 1280 թվականից. «Առաջին անգամ վանքի (իմա՝ Գլաձորի — Լ. Խ.) անունը յիշում է 1280 թուին, երբ ներսէս Մշեցին հաստատեց այնտեղ իւր վարժապետական աթոռը»⁴: Նրա այս պնդումը վավերական համարելու համար անհրաժեշտ էր ստուգել ձեռագրական այն աղբյուրը, որի վրա հենվում է Գ. Հովսեփյանը՝ սակայն առանց նրանից համապատասխան քաղվածք բերելու. մի բան, որ հակասում է մեծանուն քանասերի փաստաքննական ոճին: Քննությունից պարզվեց, որ Մաշտոցի անվան Մատենադարանի 1097 համարի տակ պահվող ձեռագիրը իրոք հորինված է 1280 թվականին՝ Լուսեր և Թովմա գրիչների կողմից՝ Ծսայի նշեցու խմբագրությամբ: Միայն 321ա էջում գտանք այն հիշատակագրությունը, որը պահպանելիս է եղել տեղեկություն՝ գրչագրի ստացման, ինչպես և հորինման մասին: Դժբախտա-

1 Մաշտոցի անվան Մատենադարան, Ձեռ. 1511, թ. 327ա:

2 «Աշխարհացոյց Վարդանայ վարդապետի», քննական հրատ. Լ. Պէրպլերեանի, Փարիզ, 1960, էջ 15:

3 «Յայսմաուրբ», Կ. Պոլիս, 1730, էջ յծը (358):

4 Գ. Հովսեփյան, Խաղրակեանք կամ Պոռնեանք հայոց պատմութեան մէջ, 1944, Երուսաղէմ, մասն Բ, էջ 191:

բար այդ թերթի վերևի անկյունից բավականաչափ պատռվել է ու մեզ հետաքրքրող մասը չբացել։ Հետքերի ընթերցմամբ, սակայն, կարողացանք վերականգնել լուսանցքի ձախ անկյունում՝ «(Վայ)ոյ ձորս տեղանունը, որով փարատվում են բոլոր կասկածները և հաստատվում, որ ձեռագիրը գտնվելիս է եղել, ուստի և հորինվելիս՝ ոչ այլուր, բան Վայոց ձորում, իսկ միակ հավանական մեծաստանը, որը կապված է ներսես Մշեցու և Ծսայի Նշեցու գործունեության 1280-ական թվականների հետ՝ Աղբերց վանք-Գլաձորն է։ Բայց սրանով դեռ առաջադրվող հարցին սպառիչ պատասխան գտած չենք լինում, այն է՝ արդյո՞ք մեր աղբյուրներում Գլաձորը արդեն հիշատակվում է 1280-ական թվականներից.—բաղվածքից հետևենք այդ չենք կարող. «... Ծս տառատիպ-կալս... (Ստեփան)ոս, սիրող բանի և սպասաւոր, Տանապարհորդ(եալ)... (Վայ)ոյ ձոր, հաղիպեցայ ըստ նախատեսութեանն աստուծոյ ալյս/ ժողովածուին/... ճգնաւորի միոյ, որոյ անուն Տակոբ յորդորչիւր, որ և ի...ծերպս վիմացն բողբալ մարմնով, որ և ուռճացեալ հոգով, հանալպազ/...մահն բրիստոսի յինքն բերելով, ըստ մարգարէին, թէ վասն քո մեռանիմք զարլիաբար/... և ի հարկաւորացն նայ և ի վայելչականացն՝ նահանջեալ էր զինք. բարի կամօք և աստուածագութ սիրով, որ ունէր առ աստուած, ընկալաւ զմեզ։ Եւ զի ոչ գոլով մեր նիւթ վարդապետութեան, որ են գիրք վատեանս զայս յաճախապատում թագաւորութեանց՝ մեզ շնորհեաց յիշատակ բարի իւրն և ծնօղաց իւրոց, և մեր ընկալեալ իբրև զաւրհ(ն)ութիւն և որպէս պատարագ նուր աստուծոյ։ Որ հանդիպիք այսմ տառի. յիշեսչիք զառաջին երախտաւորք սորայ և զվերջին երախտաւորք սորայ առաջի զենման անմահ գառին աստուծոյ՝ զգութ և զողորմութիւն հայցելով յաստուծոյ, նորա և մեզ և զյիշողսդ յիշէ անմոռացն աստուած յարքայութիւն ամէն»։

Ինչպես կարելի է որոշակիորեն կոհհանել բաղվածքի ընդհանուր ոգուց և իմաստից՝ Ստեփանոս անունով ուսումնական մի վարդապետ («սիրող բանի և սպասաւոր») ճանապարհորդելիս է եղել Վայոց ձոր, որտեղ Հակոբ անունով մի ճգնավոր նրան է նվիրել սույն ժողովածուն։ Իսկ թե՛ նրա է այդ տեղի ունենում, ոչ մի ապացույց չունենք. բայց կասկածից դուրս է, որ գրչագրի հորինման ժամանակից հետո։ Հետևաբար, եթե նույնիսկ մի պահ ընգունենք, որ Վայոց ձոր բառից առաջ պատռված մասում Գլաձոր անունը նշված լինի իհնչ-որ տվյալ կոնտեքստում բոլորովին անհավանական է), որը Գ. Հովսեփյանը ընթերցած լինելը դրա ամբողջական վիճակում եղած ժամանակ, ապա դարձյալ այն չէր նպաստի առաջադրվող հարցի լուծմանը. և դա միանգամայն հասկանալի պատճառով. եթե սույն գրչագրում առկա այլ հիշատակագրությունների տվյալներով աներկբայորեն հաստատվում է, որ այն գրվել է 1280 թվականին՝ Լուսեր ու Քովմա վարդապետների կողմից և Ծսայի Նշեցու խմբագրությամբ՝ ներսես Մշեցու համար, ապա գրության վայրի մասին հայտնող այս վերջին հիշատակագրությունը ոչ թե ժամանակակից է գրչագրի հորինմանը, այլ հետագայի՝ ավելի ուշ ժամանակների։

Անցողակի նկատենք, որ ձեռագրական աղբյուրների ավելի վաղ հիշատակություն՝ Վայոց ձորում ներսես Մշեցու կամ Ծսայի Նշեցու հետ կապված ձեռագիր ընդօրինակելու մասին, բան սույն գրչագիրը, բանասիրությանը հայտնի չէ։ Իսկ Վարդան Աշխարհագրի հայտնի վկայությունը վերաբերում է ոչ թե Գլաձորի հիմնադրմանը, այլ նրա գործունեության ամենածաղկուն շրջանին։

Այսպես, ուրեմն, եթե հերքվում է Գ. Հովսեփյանի պնդումը այն մասին, որ Գլաձորը իբր ձեռագրական աղբյուրներում առաջին անգամ հանդիպում է 1280 թվականից, առա երբևից է ստուգապես դրա մասին առաջին հիշատակությունը գրանցվում մեր մատենագրության մեջ։ Ինչպես տեսնում ենք՝ հարցադրումը մնում է առկախ, ուստի և այն կարոտ է նոր ապացույցների ու փաստարկումների։ Այսպես, Ղ. Ալիշյանը միանգամայն իրավացի է, երբ թափանցիկ դիտողությամբ մի ծանրակշիռ հարցական է դնում, որը մղում է հետագա հետազոտողների միտքը նորանոր որոնումների՝ նաև տարբեր ուղիներով ու պեղումներով։ «Ջարմանաց է, — գրում է նա, — զի պատմիչն Սիւնեաց ոչ յիշէ զայս վանս (զԳլաձոր — Լ. Խ.), թերևս զի նոր էր հաստատեալ...»։ Այստեղ խոսքը, անշուշտ, վերաբերում է մատենագիր Ստեփանոս Օրբելյանին, որը նույնիսկ աշակերտել է ներսես Մշեցուն, ուստի և միաժամանակ գտնվելիս է եղել նրա հիմնադրած դպրեմանքում։ Այս առնչությամբ Ստեփանոս Օրբելյանը ունի նաև ինքնակենսագրական քնույթի վկայություններ. «...Վարժեցայ ի կրթարանի աստուածեղէն տառից. սակաւ մի առևալ զճաշակ ուտեի՜ քաղցրութեան՝ առի հրաման յաստուածագրեաց և յաշխարհադոյս բարուհայեթէն ներսիս, և տհաս խակութեամբ նստայ յարոռ վարդապետական»⁷։

⁵ Մաշտոցի անվան Մատենադարան, Չեռ. 1097, թ. 321ա։

⁶ Ղ. Ալիշյան, Սիսական, Վենետիկ, 1893, էջ 130։

⁷ Ղ. Ալիշյան, Հայապատում, Վենետիկ, 1901, էջ 492։

Եվ իրոք, բնականաբար այստեղ հարց է ծագում. Ստեփանոս Օրբելյանը, նույնիսկ ներսև Մշևցու աշուկերտը լինելով հանդերձ Գլաձորում, այդ ինչպե՛ս է, որ իր Պատմության մեջ չի հիշատակում Գլաձորը, մանավանդ, երբ առիթ է ունենում խոսելու նաև Սյունիքի վանքերի մասին: Այս առնչությամբ՝ հավանականությունից զուրկ չէր լինի Ղ. Ինճիճյանի հետևյալ ենթադրությունը. եթե այն ամրապնդվեր նաև համապատասխան վկայակոչումներով ու փաստերով. նրա կարծիքով՝ Օրբելյանը կա՛մ խուճաճուր անապատի մասին հիշատակելիս Գլաձորն է նկատի ունեցել, և կա՛մ պարզապես դանց է առել այն՝ Սյունիքի վանքերի իվարկումը շծանրաբեռնելու համարձ, ասելով. «Բայց այլ ևս բազումը (վանորայք — լ. ն.) կային զորս ոչ թունցաքօք, Ըստ որում ավելի ճշմարտամտ լինելու պատրանք է թողնում Ղ. Ինճիճյանի ենթադրության առաջին մասը: Եվ ահա ինչ ինչո՛ւ. Գլաձոր անվանումը ստուգաբանորեն միջնադարում ընկալվել է, ի շարս այլ նշանակությունների, հավանաբար նաև իբրև «խորանդունդ ձորի» եզրերում կառուցված մի շինություն, որը թվում է թև զլորվելու վրա է, կամ էլ՝ ձորում գտնվող շինություն: Նման անունով միջնադարյան Հայաստանում հայտնի են երկու վանքեր՝ մեկը Մուշի Առաքելոց վանքն է, որը զուգահեռաբար կոչվել է նաև Գլաձոր, ուր իրենց առաջին ուսումնառությունն են ձևոր բերել ներսև Մշևցին և Եսայի Նշևցին, մյուսը՝ Վայոց ձորում ներսև Մշևցու-Եսայի Նշևցու հիմնադրած գիտական-ուսումնական կաճառը: Գլաձորի՝ ստուգաբանական առաջին մասի բացատրությունը, սակայն, լրիվ համապատասխանում է Մուշում գտնվող Գլաձորի դպրեվանքի՝ դիրքին: Մուշի Առաքելոց վանքի նաև Գլաձոր անվանման կապակցությամբ ն. Սարգիսյանը գրում է. «Մենաստանս Առաքելոց կոչի և Գլաձորոյ վանք, րեբևս վասն խուճանդունդ ձորոյն որ Լ յաջմվ մենաստանին...»¹⁰ (ընդգծումը մերն է — լ. ն.): Մինչդեռ երկրորդ մասի բացատրությունը սպառիչ է Վայոց ձորի մեր նշանավոր համալսարանի դիրքի համար, որովհետև վերջինս գտնվում է «Բաշքենդ գյուղի հյուսիս-արևելյան կողմը մի ձուրագոզի մեջ»¹¹:

Իսկ ինչ վերաբերում է Ղ. Ինճիճյանի ենթադրության վերջին մասին, ապա այն հավանականություն չի ներշնչում, որովհետև Վայոց ձորի Գլաձորը, Ստեփանոս Օրբելյանի «Պատմության» ստեղծման ժամանակաշրջանում՝ 1297—1299 թվականներին, այնպիսի հռչակի հասած ուսումնական-մշակութային խոշոր կենտրոն էր, որն անտեսել չէր կարելի:

Բայց ի՞նչպես է իրերի վիճակը իրականում, ի՞նչ կապակցության մեջ է Ստեփանոս Օրբելյանը հիշատակել խորաձոր անապատը, որից կարելի է ճիշտ եղբակացություն բխեցնել. նա գրում է. «...և միս իշխանն Համտուն... գնաց ի Վայոց ձոր առ փառաւորեալ եղբայրն իւր Տէր Յովհաննէս, որ բնակէր ի խուճաճուր անապատին որ նուրավանս կոչի, մերձ Հրաչկաբերդոյն...»¹²: Երկամտությունը, այսպիսով, փարատվում է. «խորաձոր անապատը» թեև իմաստային ընդհանրություն ունի «Գլաձորի» հետ, սակայն Օրբելյանը կիրառել է այն միայն իբրև «նորավանք»-ի փոխանուն, որպես վերջինիս տարրեր անվանումը: Ըստ որում անցողակի նկատմամբ նաև, որ մեր մատենագրության մեջ, որքան հայտնի է, բացի Օրբելյանի «Պատմության» մեջ տեղ գտած գործածությունից, այլուր չենք հանդիպում «խորաձոր» անվան կիրառմանը:

Բացի այդ ունենք նաև մի այլ դպրատուն — մենաստան, որը թեև իր անվանակոչմամբ համանման է «խորաձոր»-ին և միաժամանակ բավական հռչակ հանած, բայց դարձյալ չի առնչվում Վայոց ձորի Գլաձորի հետ. այն հայտնի է «Ստորնիձոր», «Ստորին անապատ» կամ «Ձորն խորնի» անուններով. ընդ որում շնայած այն բանին, որ վերջինիս գործունեությունը զարմանալի զուգահիստությամբ համընկնում է Վայոց ձորի համալսարանի գոյության ժամանակաշրջանին, սակայն դրանք իրենց աշխարհագրական դիրքով գտնվելիս են եղել բոլորովին հակառակ բևեռներում. առաջինը՝ Կիլիկիայում, երկրորդը՝ Վայոց ձորում: Թովմաս Հոռեմկյացիի հավաստմամբ՝ խորին անապատը տեղադրված է եղել «Մերձ ի սահմանս Բարձրբերդոյ և Լեոնկլայ անառիկ բերդի»¹³: Այստեղ արտագրված ու բազմացված ձեռագրեր ունենք, որոնք ապացուցում են այս մենաստանի անվիճելի մասնակցությունը Կիլիկյան Հայաստանի ընդհանուր մշակութային և հասարակա-

8 Ղ. Ինճիճյան, Ստորագրություն հին Հայաստանեայց, 1822, Վենետիկ, էջ 263:

9 Ստ. Օրբելյան, Պատմություն նահանգին Սիսական, Բիֆլիս, 1910, էջ 340:

10 Ներսև Սարգիսյան, Տեղագրությունը ի Փոքր և ի Մեծ Հայս, Վենետիկ, 1854, էջ 236:

11 Գ. Հովսեփյան, Մխիթար Սասնեցի, «Արարատ», 1899, էջ 160:

12 Ստ. Օրբելյան, Պատմություն նահանգին Սիսական, էջ 337:

13 Հ. Ոսկյան, Կիլիկիայի վանքերը, Վիեննա, 1957, էջ 208, տես նաև Հ. Ս. էփրիկյան, Պատկերազարդ բնաշխարհիկ բառարան, Վենետիկ, 1907, հ. 2, էջ 203, Ղ. Ալիշան, Սիսուան, Վենետիկ, 1885, էջ 535—536:

կան կյանքին: Այս կապակցությամբ Ստեփանոս Օրբելյանը ականատեսի և ականջալուրի վկայությամբ գրում է. «Յետ սրբասէր կաթողիկոսին Հայոց Տեառն Ցակորայ մեծաւ հանգիսիս և շախարհածողով ամբոխիս նստացուցանեն կաթողիկոս Հայոց ի Սիս յաւագ եկեղեցին սուրբ Սոփի զԿոստանդին վարդապետ, որ էր առաջնորդ սուրբ և գերազնայի մենաստանին Խորին կոչեցելոյ, մեծապատիւ շքով և արքունական ճոխութեամբ, ձեռամբ թագաւորին Հայոց (և ուրի՛ որդոյ շնորհոյ, ընդ որս և էր մեր նուաստութիւնս»¹⁴. Կամ՝ 1311 թվականին գրված մի ավետարանի հիշատակարանում կարդում ենք. «Ե՛ Ձորս Խորնի, ընդ հովանեաւ սուրբ Տիրամօր և սուրբ նշանաց, ի խցկան միոջ որ է ի հարաւակողմն Պերճեր անապատիս, ի խնդրոյ սուրբ և ընտրեալ կրօնաւոր քահանայի՝ Պետրոսի, ձեռամբ պիտակ անուն քահանայի Կոստ/անդղի/ և ողորմելի գերոյ շնորհոյ...»¹⁵:

Մյուս կողմից՝ բոլոր հիմքերը կան ակնկալելու, որ Ստ. Օրբելյանը հիշատակեր եթէ ոչ հետևաւորն Գլաձոր անունը իրրև՝ «ամալսարան», ապա զոնն այդ մենաստանի նախկին անունը, մանավանդ նաև այն պատճառով, որ թվարկման հերթականության մեջ մոտենում է Մշեցունչեցու համալսարանի հենց բուն տեղադրմանը. նա ըշում է Քանաթի վանքը, «յորում կայ նշխարք սրբոյն Ստեփաննոսի»¹⁶, Հենց սրանից անմիջապես հետո էլ պետք է հիշվեր Աղբերց վանքը կամ Գլաձորի համալսարանը: Բայց, տարարախտարար, զանց է առնվում, և հիշատակվում են այլ վանքերի անունները:

Մի ուրիշ հանգամանք նույնպես առավել քան պարտավորեցնում էր հեղինակին հիշատակելու Գլաձորի համալսարանը. վանքերի ու մենաստանների թվարկումը ավարտելուց հետո, հեղինակը եզրակացնում է. «Ահա այս ամենայն վանեար յականէ և յանուանէ ի զխաւորագունիցն, յորոց բազում ամայի և բափուր են ի շինութեանց, և սակաւն ի լուսաւորութեան այժմ, որք են թուով 30. բայց այլ ևս բազումք կային զորս ոչ թուեցաք»¹⁷, Ընթերցողի ուշադրությունը բևեռում ենք ընդգծված տողերի վրա. եթէ Ստեփանոս Օրբելյանի հակառակ անվանն թվարկած Մյունիքի վանքերի ու մենաստանների մեծամասնությունը «թափուր են ի շինութեանց» և նրանցից միայն քչերն են՝ «ի լուսաւորութեան այժմ», ապա բնականաբար ենթադրվում է, որ այժմ «սակաւն ի լուսաւորութեան» մեջ գտնվող վանքերից ու մենաստաններից առաջին հերթին հիշատակության արժանի պետք է լինեն Աղբերց վանքը կամ Գլաձորը, որովհետև տարակույս չի կարող լինել, որ այդ քչերի մեջ տվյալ ժամանակաշրջանի ամենապայծառ մենաստանը միջնադարյան աղբամուղում՝ Մշեցու-Նչեցու համալսարանն էր՝ իր երկններանց ճառագայթմամբ ու շողարձակմամբ:

Ի դեպ՝ Ալիշանի այն ենթադրությունը, ըստ որի Օրբելյանը եթէ իր «Պատմութեան» մեջ չի հիշատակել Վայոց ձորի վանքերի թվարկման մեջ նաև Գլաձորը, ապա դրա պատճառը պետք է համարել՝ «թերևս զի նոր էր հաստատեալ» Գլաձորը¹⁸, նույնպես ընդունելի չէ, որովհետև Օրբելյանի «Պատմության» հեղինակման ժամանակ Գլաձորը գտնվում էր իր ամենափառահեղ շրջանում:

Եզրափակելով այս հարցադրումների ամբողջ շարքը, մենք դարձյալ կանգնում ենք առկախ մնացած պատասխանի առաջ. փաստը մնում է փաստ, որ Օրբելյանը Վայոց ձորի վանքերի թվարկման մեջ չի հիշատակել Գլաձորի համալսարանը: Սրանից, բնականաբար, միայն մեկ հնարավոր ենթադրություն կարելի է անել, թեև հավանականության ամենադուրեւ նշույլով. զուցե հեղինակը Աղբերց վանքի կամ Գլաձորի մասին նույնպես հիշատակում արել է, բայց իր աշխատության արտագրությունների ժամանակ վրիպել է գրիչների կողմից և մեզ չի հասել նրա այդ վկայությունը: Կողմնակի կերպով նույնիսկ գիտենք, որ Օրբելյանը իր անձնական նամակներում և շրջաբերականներում նսայի Նչեցուն դրվատելիս, բնութագրում է նրան իրրև «յիսուսական համալսարանացն պետ», «եով զպրապետ աննառ զպրոցաղն և նամակ զիւան աննասական խորոցն վարդապետ Եսայի»։ այս և նման արտահայտություններում, անտարակույս, նկատի է առնվել Եսայի Նչեցու երկարամյա պաշտոնավարությունը Գլաձորի համալսարանում որպես ուսուցչապետ: Ավելին. այն դեպքում, երբ Օրբելյանը Աղբերց վանքում՝ ներսես Մշեցու մոտ ձեռք բերած իր ուսումնառության մասին խոսելիս թեև չի հիշատակում այդ մենաստանի

14 Ստեփանոս Օրբելյան, Պատմութիւն նահանգին Սիսական, էջ 436—437:

15 Ղ. Ալիշան, Սիսուան, էջ 536:

16 Ստեփանոս Օրբելյան, Պատմութիւն նահանգին Սիսական, էջ 340, ընդգծումը մերն է.—Լ. Խ.:

17 Նույն տեղում: Ընդգծումը մերն է.—Լ. Խ.:

18 Ղ. Ալիշան, Սիսական, էջ 130:

անունը, բայց ինքին հասկանալի է, թե խոսքը ինչին է վերաբերում¹⁹։ Օրբելյանը նույնիսկ ուղղակի ակնարկ ունի Գլաձորի համալսարանի մասին՝ որպես Հայաստանյայց աշխարհի «արեգակնափայլ», «գերահռչակ» և «մեծաշուք» ուսումնական կենտրոնի, որպես գիտության և ուսման փարոսի, թեև առանց նրա անունը հիշատակելու։ «Արեգակնափայլ և երկնաճանգղա գերաճողակ հոյակապ և մեծաշուք վեհագոյն ուխտիղ Հայաստանեաց աշխարհի, տեղի յուսոյ և ակնկալութիւն և պարծ/անք/ աստուածային հանճարոյն համեղութեան ճաշակացն ընտրութեան, անաթ վեհագոյն և երկնակենցաղավարուց և ուսման, մակացարեանց ներընդունակ»²⁰, Կասկածից վեր է, որ խոսքը վերաբերում է Գլաձորի համալսարանին։

Ինչևիցե, եզրակացնենք. եթե բացակայում են Օրբելյանից ուղղակի վկայություններ Գլաձորի գիտական կաճառի առաջացման ու գործունեության վերաբերյալ, ապա այդ չի նշանակում, որ մեր մատենագրությունը առհասարակ լռում է Գլաձորի գոյության մասին, ուստի և զրա պատմության լուսարանումը խափանված պիտի համարել։ Ընդհակառակն, հենց մատենագրական այլ ազդյունքների օգնությամբ հնարավոր կլինի հետևել մեր ամենալուսավոր մշակութային կենտրոնի տարեգրության ընթացքին։

Մեզ հասած ձեռագրական ամենավաղ ազդյունքը, որը որոշակի տեղեկություն է պարունակում Մշեցու հիմնադրած դպրեվանքի անվանակոչման մասին, հորինված է 1283—1284 թվականներին, այժմ պահվում է Վիեննայի Մատենադարանի 571 համարի տակ և բովանդակում է զանազան լուծմունքների մի ժողովածու։ Դրա պատվիրատուն եղել է ոչ այլ ոք, քան «բարունեաց վարդապետ» Ներսես Մշեցին։ «...էր թիւ հայկազան սեռի ՉԼԹ (1283) և թագաւոր Լևոն... և վարժապետ և խրատիչ սուրբ վարդապետ Ներսէս, որոյ հրամանաւ գրեցի զսայ մեղապարտ Մատթէոս, որ զգեղերալ կայի առ ոտս սորա...»։ Գրիչը Մաթեոս Միճեցին է, որը ունի նաև շահածո մի հիշատակարան սույն ժողովածուի 208բ—210ա էջերում, գրված՝ 1284 թվականին, և այն լույս է սփռում առաջագրված հարցի մեկնաբանման վրա։ Ինքնակենսագրական բնույթի որոշ տեղեկություններ հաղորդելուց հետո, Մաթեոս գրիչը շարունակության մեջ ասում է իր մասին.

«... Որոյ (Մատթէի — Լ. Խ.) եկեալ յայս գաւառի,
Որում անուն Վայ ձոր կոչի,
Հուպ ի շիրիմն Սիւնեցի,
Ի յԱղբերց վանս մենաստանի,
Յերկրորդ Աթէնս պանծալի,
Առ ոտըս հար մեր Ներսէսի
Եւ բարունեաց վարդապետի,
Հասեալ ի ծայրս իմաստ բանի,
Քննէր զգիրս մատենի...»²¹։

Այս քաղվածքը ուշադրության է արժանի մի քանի նկատառումներով. նախ՝ աներկբայորեն հավաստվում է, որ Մաթեոս գրիչը ուսումնասիրության նպատակով եկել է Վայոց ձոր՝ Ստեփանոս Սյունեցու շիրիմի մոտ գտնվող Աղբերց վանքը։ Երկրորդ ուշադրավ է, որ Աղբերց վանք ուսումնական կենտրոնը բնութագրվում է իրեն «պանծալի երկրորդ Աթենք»։ Այստեղից, անտարակույս, հետևում է, որ Գլաձորի համալսարանի նախկին անվանումը եղել է Աղբերց վանք. ապացույց՝ որ «երկրորդ Աթենք» արտահայտությունը մեր ամբողջ մատենագրության մեջ բացառապես կիրառվել է միայն Գլաձորի նկատմամբ, մանավանդ նսայի Նշեցու ղեկավարման առավել ծաղկուն տարիներին, և զրա առանձին գործածությունը նույնիսկ հոմանիշային արժեք է ձեռք բերել Գլաձորի համար։ Մյուս կողմից՝ «երկրորդ Աթենք պանծալի» արտահայտությունը ամենին էլ պատահական հայտարարություն կամ բովանդակագուրկ գնահատական չէ, որը գիտվեր սոսկ իրրև ոգեշնչման զեղում կամ էլ պարզապես շահագանցություն։ Ո՛չ երբեք։ Միջնորդի շահանքի չման գնահատականը լիովին արդարացվում է Գլաձորի համար, որովհետև հայ հասարակական ու գիտական մտքի վերընձյուղման ու զարգացման մեջ իրոք նա թողել է այնպիսի խորը դրոշմ ու լայնահուն ակոս, առանց որի մեր մատենագրության հետագա ամբողջ

19 Ի դեպ՝ նույնիսկ նսայի Նշեցին իր գրագրություններում երբեք չի հիշատակում իր գլխավորած համալսարանի անունը։

20 Մաշտոցի անվան Մատենադարան, Ձեռ. 848, թ. 78բ—79ա։

21 Լ. Տ ա շ յ ա ն, Ցուցակ Հայերէն ձեռագրաց մատենադարանին Մխիթարեանց ի Վիեննա, Վիեննա, 1895, էջ 1039։

ընթացքի բողոքումը անհնարին կլինեի նրորո՞ղ՝ ի հաստատումն այն բանի, որ Աղբերց մենաստանը իր հիշակով վեր էր ածվել «յերկրորդ Աթէնս պանծալի», այնտեղ դեռևս 1284 թվականին, ինչպես բխում է քաղվածքից, մեղվաշան աշխատանքի էին լծվել մի շարք բարունիներ (իմա՝ տարրեր առարկաների ուսուցիչ-դասախոսներ)։ այլապես չէր սովի ներսես Մշեցու մասին՝ «բարունեաց վարդապետ», երո վերջինս՝ հասած լինելով իր ժամանակի իմաստության ու գիտության ծայրագույն աստիճանին՝ գլխավորում էր Աղբերց վանք ուսումնական-մշակութային հաստատության ղեկավարման աշխատանքները և քննական հայացքով թափանցում էր մեր մատենագրության մեջ ու վերլուծում մատյանները...

Զեռագրական հետազոտողները, տարարախտարար, առժամանակ լռում են։ Միայն 1291 թվականին հիշատակագիր Հովհաննեսը իր արտագրած «Մեկնութիւն կաթողիկէի» գրադրում թողնում է շատ արժեքավոր մի վկայություն՝ շոշափվող հարցի առնչությամբ, որը կարևոր պարզարանում է մտցնում հարցի պատմականության ճշգրտման մեջ. ի դեպ անհրաժեշտ ենք համարում նշել, որ սա միաժամանակ մատենագրության մեջ արտացոլված առաջին իրատակությունն է Պլածորի մասին. «Ի թիս Զն (1291), — կարդում ենք այնտեղ, — գրեցաւ Մեկնյութիւն կաթողիկէիս, ձեռամբ բազմամեղ ե սուտանուն կրանաւորի Յոհաննիսի աշակերտի բանի, ի մենաստանս որ կոչի Աղբերց վանս. և մականունն՝ Պլածոր, ընդ հովանեաւ սրբոյն և տեփաննոսի, ի վարժապետութիւնս գիտնական և արդիւնական մեծ հոնտորի յնսալյո, զոր նորնեցէ զսա մեզ տէր ընդերկայնս սուրբս»²²։

Քաղվածքում ուշադրություն պետք է դարձնել «մականունն» բառի վրա, որը և որոշակի լույս է սփռում արժարժվող հարցադրման ճիշտ մեկնարանման ուղղությամբ. առանց այլևայլության և ակնբախորեն բացահայտվում է սրանով, որ մենաստանը նախապես կոչվելիս է եղել Աղբերց վանք. իսկ Պլածոր անվանումը տրվել է նրան հետագայում՝ իբրև «մականունն», այսինքն՝ իբրև «վերադիր» կամ «հավելադիր» անուն, որ և նույնն է թե՛ «հետագայում ստացած անունն». հենց այս վերջին անվանակրությամբ էլ համընդհանուր ճանաչում է գտել այդ մենաստանը մեր մշակութային պատմության մեջ։

Մյուս կողմից՝ այս քաղվածքը մեզ համար կարևոր է նաև մի այլ առումով. ելնելով սույն վկայության բովանդակությունից, աներկմտորեն կարելի է եղրակացնել, որ դեռևս մինչև 13-րդ դարի վերջին տանամյակը, նույնիսկ Եսայի նշեցու ղեկավարման առաջին շրջանում, Պլածորի համալսարանը հայտնի է եղել միայն Աղբերց վանք անունով. այլ կերպ ասած՝ ուսումնական այդ կենտրոնի Պլածոր անվանումը ոչ միայն ներսես Մշեցու օրոք առհասարակ չի եղել, այլ չի եղել նաև Եսայի նշեցու ուսուցչապետության սկզբնական շրջանում՝ մինչև 1290-ական թվականները։ Այստեղ, սակայն, անցողակի նկատենք, որ բոլորովին չպատճառարանված և հիմնազուրկ հայտարարություն է արվեստարան Ա. Ավետիսյանի պնդումը այն մասին, որ իբր Պլածորի անվանումը տեղի է ունեցել ներսես Մշեցու ուսուցչապետության շրջանում. նա գրում է «Համալսարանն էլ իր նոր՝ Պլածոր անվանումն ստացավ ներսես Մշեցու վարդապետության օրոք»²³։

Այնուհետև, ուշագրավ է, որ 1298 թվականին արտագրված մի ձեռագրի միևնույն գրչի թողած երկու հիշատակագրություններում խոսվում է ինչպես Պլածորի, այնպես էլ Աղբերց վանքի սասին. այսպես ա)

«Ընդ նմին և զեղկելիս
 Զվերագծող այսմ տառիս
 Ի մենաստանս Պլածորիս.
 Ընդ հովանեաւ սուրբ Ստեփանոսիս,
 Զեռամբ անարժանիս Մկրտչիս,
 Իվ զերանուն կրանաւորիս,
 Որ սպասաւոր եմ լեալ բանիս,
 Միայն անուամբ ու ոչ բոստ գործիս,
 Ընդ խնամաւք վայրժապետիս
 Կայծակնամարտր մեծ հոնտորիս
 Անունակիր մարգարէիս
 Որ յորչորչի իսկ Եսայիս»²⁴։

22 Ղ. Ալիշան, Հայապատում, Վենետիկ, 1901, էջ 525։

23 «Էջմիածին» ամսագիր, թիվ 7—8, 1956, էջ 86։

24 Մաշտոցի անվան Մատենադարան, Զեռ. 1409, թ. 261ր։

բ) Ի դեպ՝ առաջադիր մյուս վկայության մեջըրման կապակցությամբ ասենք, որ թեև այդ հիշատակարանը դարձյալ վերոհիշյալ գրչին է պատկանում, սակայն նրանում զարմանալիորեն նույն բնութագիրն ու գեահատականն է տրված Աղբերց վանքի մասին, ինչ 1283—1284 թվականներին գրված Մաթևոս գրչի հիշատակարանում, որը մեզ արդեն ծանոթ է. ըստ որում նկատելի է, որ այստեղ գործ ունենք պատճենման ակերախ փաստի հետ. կառուցվածքով ու ձևով էլ համանման է դրան՝ չափածո և նույն հանգավորմամբ, սակայն որոշ խմբագրման ենթարկված՝ դեպքերի ու դեմքերի համաձայն, գրված Եսայի Նշեցու ուսուցչապետության օրոք: Ընդ որում սույն գրչագիրը, ամփոփելով իր մեջ մի շարք իմաստասիրական և դավանարանական երկեր, հանդիսանում է կարևոր մի ձեռնարկ՝ ուսումնական նպատակների համար նախատեսված:

«Ի նահանկէ Այրարատի

Մեր ի զղևակն է, ի Բըջնի,
Առ սահմանաբն կոտայի,
Որոյ եկեալ յայս գաւառի,
Որոյ անուն վայ ձուր կոչի,
Հուպ ի շիրիմն Սիւնեցի,
Ի յԱղբերց վանս մենաստանի,
Երկրորդ Արեն պանծալի
Առ ոսո քաւր մեր Եսայի
Եւ բարունեաց վարժապետի...»²⁵,

Սրանից բխում է, որ այս մենաստանի Աղբերց վանք անվան հարատևումը, Գլաձոր «մականվան» հետ զուգահեռ, դեռևս շարունակվում է մինչև 13-րդ դարի վերջը, իսկ դրանից հետո, ձեռագրական աղբյուրների վկայությամբ՝ աստիճանաբար մոռացության է տրվում այդ հին անունը և տիրապետող ու միակ հանրածանոթ անունը դառնում է Գլաձորը:

Այս հետևության ճշտությունը ամրապնդվում է նաև մատենագրական այլ փաստերով: Այս առնչությամբ առավել հատկանշական է հետևյալ վկայությունը. Եսայի Նշեցու ակնանվոր աշակերտներից Մխիթար Սասնեցու վերաբերյալ «Պատմութիւն հաւաստի և համառօտ Մխիթար վարդապետի (հեղինակի գրքոյս)» վարքագրության մեջ հայտնվում է. «... և անտի գնացեալ (Մխիթարայ — լ. Խ.) ի գաւառն կոչեցեալ Վայոց ձոր, ի վանսն, որ այժմ կոչի Գլաձոր, առ գերակատար և սուրբ վարդապետն Ներսէս և կացեալ անդ ընդ նմա ամս երեք»²⁶. Այստեղ հատկապես ընդգծելիք այժմ բառը, որով աներկբայորեն բացահայտվում է քաղվածքի բովանդակությունը. նշանակում է, որ վանքի Գլաձոր անվանումը վերաբերում է միայն ներկայից, իսկ նրա նախկին անունը արդեն չի հիշատակվում. վարքագրության հորինման ժամանակ, այն է՝ 1337 թվականին, թվում է, թե արդեն մոռացության է տրվել նրա սկզբնական անունը՝ Աղբերց վանք լինելը: Բացի դրանից, այստեղ ակներևորեն առկա է անվտանգությունների բացահայտ փաստը, որով ցույց է տրվում, թե ուսումնական այդ կենտրոնի Գլաձոր անվանակրումը եղել է ոչ թե ի սկզբանե, այլ՝ հետագայում, և այդ փաստը իր արտացոլումն է գտել նաև մեր ձեռագրական աղբյուրներում:

Հայագիտական գրականության մեջ, սակայն, թյուր կարծիք է հայտնված այն մասին, որ իբր Աղբերց վանքը, իր հերթին, հենց նույն Քանահատի կամ Քանատի վանքն է եղել, որ հետագայում վերանվանվել է նաև Ղարավանք: Անհրաժեշտ է նշել, արդարև, որ այդ վարկածը չափազանց հախուռն է, ուստի և անհամոզիչ, որովհետև այն զուրկ է ամեն մի հիմնավորումից՝ չի ամրապնդվում փաստական ոչ մի տվյալով: Ավելին. այն նույնիսկ հակապատմական ըմբռնում է, որովհետև Քանահատի վանքն ու Աղբերց վանքը (հետագայում՝ Գլաձորը) զուգահեռ կերպով հարատևել են՝ մատենագրության մեջ թողնելով իրենց գոյատևման փաստական արձանագրությունները: Այդ վարկածը առաջ է քաշել Գլաձորի մանրանկարչության ուսումնասիրմամբ հետամուտ եղած արվեստարան Ա. Ավետիսյանը, որը հենվելով Ե. Լալայանի ուղեգրական բնույթի մի քանի կողմնակի դատողությունների ու արտահայտությունների վրա, շտապում է եզրակացնել. «Այսպիսով, ստացվում է, որ Քանատ (Ղարավանք) — Աղբերց վանքը նույն Գլաձորն է: Եվ իրոք, ոչ մի կասկած լինել չի կարող, որ Քանատի վանքը հենց ինքի՛ր Գլաձորն է»²⁷. և

²⁵ Մաշտոցի անվան Մատենադարան, Ձեռ. 1409, թ. 311ա:

²⁶ Գ. Հոփսեփյան, Մխիթար Սասնեցի (Կերմանեցի), Վարդապետ, 1899, էջ՝ 29:

²⁷ Ա. Ավետիսյան, Գլաձորի համալսարանը, «Էջմիածին», № 7—8, 1956, էջ 85:

կամ՝ նույնպիսի անվերապահ պնդմամբ նա հայտարարում է «Այսպիսով, այժմ մեզ հայտնի Քանատի վանքը, կարելի է ասել, որ 13—14-րդ դարերում, համալսարանի գոյության ժամանակաշրջանում (նաև հետագայում?)»²⁸ հայտնի է եղել Գլաձոր կամ Աղբերց վանք անուններով²⁹:

Հերթելու համար նման պնդումների անճշտությունն ու, մեղմ ասած՝ հակապատմականությունը, անհրաժեշտ է քննել, թե որո՞նք են Ա. Ավետիսյանի ելակետները: Այդ իսկ պատճառով հարկադրված ենք այստեղ մի քիչ երկար մեջբերում կատարել նրանից. «Համեմատելով Քանատի վանքի սահմանները որոշող տվյալները, — գրում է նա. — կարելի է տեսնել, որ հենց նույն այդ տվյալները վերաբերում են և Գլաձորին: Այսպես, Ղ. Ալիշանի մոտ ասվում է, որ Գլաձորը սահմանակից էր Եկեղեցի ձորին: Ըստ Օրբելյանի, ինչպես և Գարեգին արքեպսկ. Հովսեփյանի. Քանատ — Ղարա-վանքը նույնպես գտնվում է Եկեղյաց ձորին կից:

Կա նաև մի ուրիշ, ոչ պակաս հետաքրքիր, վկայություն: Գարեգին արքեպսկ. Հովսեփյանը խոսելով Գլաձորի մասին, ցույց է տալիս, որ այն գտնվում է Արկղունիքի Պոռչ իշխանի դաստակերտից (սղարբաս) ոչ ճեռու, իսկ ըստ Ե. Լալայանի այդ դաստակերտի մնացորդները գտնվում են Բաշթենդ գյուղի ծայրամասում (որը նույնացվում է Արկղունիքի հետ), այսինքն՝ դարձյալ Քանատի վանքից ոչ ճեռու»³⁰:

Քաղվածքի ուշադիր քննությունը ցույց է տալիս, որ տարբեր հեղինակների վկայակոչումները Քանատի և Գլաձորի տեղանքի որոշման հարցում՝ լիովին չեն համընկնում, այլ սոսկ մատնանշում են այդ մենաստանների տեղանքի՝ միևնույն գոտու (զոնայի) շրջանակում ունեցած այս կամ այն ճարտարապետական մեծավորությունը միմյանց նկատմամբ (համեմատելով՝ «Գլաձորը սահմանակից էր Եկեղեցի ձորին», իսկ «Քանատ-Ղարավանքը նույնպես գտնվում էր Եկեղյաց ձորին կից», մի դեպքում՝ Գլաձորը «գտնվում է Արկղունիքի Պոռչ իշխանի դաստակերտից (սղարբաս) ոչ ճեռու», մյուս դեպքում՝ «սղարբասի Քանատի վանքից ոչ ճեռու»): Այս բոլորից ականբեր է դառնում միայն մի բան. ա՛յն, որ Քանատի վանքը և Գլաձորը իրենց տեղանքով գտնվելիս են եղել իրար ճարտարապետական սահմաններում, մի բան, որ ընդունված է հայագիտական գրականության մեջ: Փաստերի քննական վերլուծման դեպքում՝ միակ ճիշտ հետևությունը ա՛յս պիտի լինի, որը և լիովին համապատասխանում է պատմական իրականությանը, և ոչ թե՛ դրանից բնագրոսիկ կերպով բխեցնել՝ երկուսի նույնացումը իրեն միևնույն վանքի տարբեր անվանակոչումներ, ինչպես այդ անում է Ա. Ավետիսյանը:

Այնուհետև. Գլաձորի համալսարանի վերաբերյալ նյութերի հավաքման և հետազոտման առաջին մեծ երախտընկալները՝ Ղ. Ալիշանն ու Գ. Հովսեփյանը միանգամայն ճիշտ մոտեցում են ցուցաբերել, երբ հետին ականակ անգամ չեն արել՝ ինչպես Քանատի, այնպես էլ Աղբերց վանքի կամ Գլաձորի նույնության մասին: Իսկ ի՞նչպես է վարվել բանասեր Ե. Լալայանը տվյալ հարցում. ամենևին հավակնություն չունենալով մատենագրական ստույգ տվյալների վերլուծմամբ հետևություններ ու եզրակացություններ անելու, մի կողմից՝ Քանատի, Ղարավանքի, մյուս կողմից՝ Գլաձորի, և այս երեքի փոխհարաբերության ճշգրտման մասին, Ե. Լալայանը անցողակի կերպով նրանց տեղագրության նկարագրությունն է տալիս՝ ուղեգրական տպավորությունների գրառման ոճով: Մի դեպքում նա գրում է. «Մ. Խաչ վանքի արևմտեան կողմը, մոտ 2 վերստ հեռու: Մալիշկայի գետակի երկրորդ վտակի ձախ ափին գտնում է Ղարավանք (սև վանք) գիւղը, որ իւր անունն ստացել է մօտի տափարակ բլրակի վրայ սև քարերով շինուած վանքից: Այս, Խուրթերից Ղարա-վանք կոչուած, մենաստանը ԺԳ. դարում շինուած Քանահատի վանքն է, ուր ամփոփուած է 735 թ. Մոզում նահատակուած Ստեփանոս եպիսկոպոսի մարմինը»³¹: Այստեղ,

²⁸ Բոլորովին անհասկանալի է հեղինակի՝ փակագծում դրած «նաև հետագայում» պնդումը «համալսարանի գոյության ժամանակաշրջանում» բառակապակցությունից հետո. պատմական անժխտելի իրողություն է, որ Աղբերց վանքի առանձին հիշատակումը ձեռագրական աղբյուրներում հասնում է մինչև 13-րդ դարի 90-ական թվականները, իսկ Գլաձորի հիշատակումը 13-րդ դարի 90-ական թվականներից սկսած մինչև 14-րդ դարի 40-ական թվականները: Եսայի Նչեցու մահվան հետ անկում է ապրում և միջնադարի աղջամուղջում սուզվում է նաև Գլաձորը, որից հետո դադարում են նաև ամեն կարգի հիշատակումները Գլաձորի մասին:

²⁹ Ա. Ավետիսյան, նույն տեղում, էջ 86:

³⁰ Ա. Ավետիսյան, նույն տեղում, էջ 85: Ընդգծումները մերն են — Լ. Խ.

³¹ Ե. Լալայան, Շարուր-Գարալագեազի գաւառ, «Ազգագրական հանդէս», 1905, գիրք XII, Թիֆլիս, էջ 267:

անշուշտ, առարկելու ոչինչ չունենք, որովհետև ասված է շատ պարզ ու մեկին, որ Քանահատ (կամ՝ Քանատ) վանքը, ուր ամփոփված է Ստեփանոս Սյունեցու աճյունը, միաժամանակ այժմ թուրքերի կողմից կոչվելիս է եղել Ղարա-վանք։ Սակայն հակասությունը ակնբախ է լինում շուրջ էջ հետո արված հայտարարության հետ. «Օրթաքենտից զկպի հիւսիս-արևելք՝ ձորակի մէջ գտնուում է Եր—ժԿ դարերում մեծահոշակ Դայլաձոր կամ Դլաձոր մենաստանը, որ այժմ Լաւա-վանք է կոչուում»³²։ Անհարիր բան է ստացվում. ինչպե՛ս թե տեղագրական երկու մերձավոր վայրերը առանձին-առանձին կոչվում են այժմ միևնույն անունով՝ Լաւաւանք։ Իսկ առնվազն վրիպում է. նման պնդումը ոչնչով չի արդարացվում, ուստի և անընդունելի է։

Ղ. Ալիշանը ենթադրում է, որ Գլաձորը գտնվելիս է եղել Բաշքենդ Իերզի հարավակողմում կամ Բյուրբյուլ-Օլան գյուղի հյուսիսում՝ այս երկուսից մեկ մղոն հեռավորության վրա ամայի մի գյուղավայրում, որը հետագա դարերում Փոյլասար կամ Փուլպինա է հորջորջվել թուրքերի կողմից։ Հնչյունական նմանությունը՝ մանավանդ Փոյլասարի և Դայլաձորի (Գլաձորի) միջև՝ խիստ ակնբախ է. «Ի հարաւոյ Պաշքէնտ բերդի և ի հիւսիսոյ Պիւլպիւլօլան գեղջ — գրում է նա, — մղոնաւ շափ հեռի յերկոցուն ևս, յանձուկ միջոցի երկուց վտակաց գետակին՝ նշանակի ամայի գեօղատեղի Քօյլասար կամ Քուլպինա անուն, որ բոյի նշանակել զԴայլեձոր կամ Դայլիձոր կամ Դայլաձոր մեծահոշակ մենաստան ի ԺԿ — Ի դարս, յանախ ևս զրեալ Դլաձոր»³³։

Եթե Ալիշանի տեղագրական տվյալները գերազանցապես հիմնված են գրավոր աղբյուրների և նրանցից մակարերվող մտահայեցության վրա, ապա Գ. Հովսեփյանի տեղագրական սահմանումները՝ նաև ականատեսի վկայությունների. վերջինս դեպի Գլաձոր կատարած իր ճանապարհորդության մասին գրում է. «Անցեալ ամառ (այն է՝ 1898 թ.—Ղ. Խ.) ճեմարանի լսարանական մի խումբ ուսանողներով այցելեցինք Գլաձորի անբակները. իզուր էր որոնել նույնիսկ ներսէս և Ծսայի մեծ վարժապետների դամբարանների հետքն անգամ»³⁴։ Իսկ Գլաձորի տեղագրական սահմանները նա գծում է այսպես. «Գլաձորն էր և՛ղել Ընեթոնների ախոյանների առաջին օրորանը։ Այդ վանքը գտնուում է Պաշքենդ գիւղի հիւսիս-արևելեան կողմը մի ձորագոգի մէջ, Քիւլպինա կոչուած զոմանցից փոքր ինչ դեպի արևել։ Հրաշալի է այն ձորակը, որ այս գոմանցից դէպի Գլաձորի անբակներն է ձգոււմ. ծաղկաւտ ձորի հարաւային լեռան լանջերը պուրակներով են ծածկուած. սառնորակ աղբիւրները բոլորում են երկու կողմից և մի կարկաչահոտ, վճիտ առուակ կազմում, լի կարմրախայտներով։ Նույնիսկ Գլաձորի թերակղզու հարաւային և հիւսիսային կողերից աղբիւրներ են բոլորում, ուստի և երբեմն Աղբերց վանք ևս կոչուել է»³⁵։

Ինչպես բերված քաղվածքների քննական համեմատությունը ցույց է տալիս, Ալիշանի և Հովսեփյանի հաղորդած տվյալները Գլաձորի տեղանքի մասին՝ հիմնականում համընկնում են իրար։ Մինչդեռ Ծ. Լալայանի տեղագրական տվյալները, ըստ էության, հակասության մեջ չլինելով հանդերձ դրանց հետ, որոշակի շփոթության տեղիք է տալիս Գլաձոր — Լաւաւանք նույնացման հարցում։

Այնուհետև. Լալայանից վերը բերված երկու քաղվածքներում էլ նույն ինքը բանասերը (Ծ. Լալայանը) ոչ մի սուղակցություն չի տեսնում կամ հաստատում Քանատ վանքի և Գլաձորի

32 Նույն տեղում, էջ 271։ Ընդգծումը մերն է — Ղ. Խ.։

33 Ղ. Ալիշան, Սիսական, էջ 130։ Ընդգծումը մերն է — Ղ. Խ.։

34 Գ. Հովսեփյան, Մխիթար Սասնեցի, «Արարատ», 1899, էջ 160։

Ի դեպ այս ամառ մենք նույնպես եղանք Եղեգնաձորի (նախկին Քեշիշքենդ) Գլաձոր (նախկին Օրթաքենդ և Բաշքենդ գյուղերը) գյուղում, Քանահատի վանքում և Գլաձորի համալսարանի ենթադրված տեղանքում։ Չրույց ունեցանք Գլաձոր գյուղի ամենահասակավոր ծերունիների հետ. վերջիններս այն կարծիքն արտահայտեցին, որ Գլաձորի համալսարանի տեղանքը պետք է լինի այն վայրում, որտեղ այժմ կառուցված է Գլաձոր գյուղի դպրոցը, հենց Գլաձոր գյուղի սկզբին Եղեգնաձորի կողմից։ Այսպես, 86 տարեկան Դավիթ Դավթյանը, որն ամենահասակավորն է Դլաձոր գյուղում, ասում էր, որ ինքը ավանդաբար պապերից լսել է, թե Գլաձորի համալսարանը գտնվել է հենց Օրթաքենդում, որտեղ այժմ կանգնած է Գլաձորի դպրոցը, և հետագա ժամանակներում թուրքերը քարուքանդ են արել այն։ Նույնն էին հավաստում նաև մյուս ծերունիները։ Սակայն այդ պնդումը մեզ քիչ հավանական է թվում, որովհետև միջնադարի մեր վանքերն ու մենաստանները իրենց գիրքով միշտ հեռու են եղել գյուղերից ու շենքերից՝ մեկուսացած ժխորից և աշխարհիկ կյանքից, հարմարագույն տեղ ընտրելով նրանց համար բնության զրկում՝ մեծավ մասամբ բարձունքներում — իբրև պաշտպանություն։

35 Գ. Հովսեփյան, նույն տեղում, էջ 160։ Ընդգծումը մերն է — Ղ. Խ.։

միջև. ի ղեկ՝ նա ոչ մի խոսք չի ասում նաև Աղբերց վանքի մասին: Իսկ Քանատի վանքի և Գլաձորի նույնությունը մասին ակնբախ հակասությունը կոծկելու համար հարկավոր է ինչ-որ շափով առնչակցություններ հաստատել... որ և անհաջող կերպով փորձում է Ա. Ավետիսյանը: Բայց այս անգամ էլ առաջանում են անսրող թյուրիմացություններ և հրամցվում անհարիր եզրակացություններ, որոնք առավել ևս ակնառու են դարձնում զրանց հիմքերի խախտությունը: Բանասիրական հետախուզումներում բավական չէ միայն մտահայեցողությամբ առաջնորդվելը. դա շատ սալթաբուն ուզի է: Այլ դրան, պարտադիր կարգով, անհրաժեշտ է զուգորդել նրևույթների փաստաբանական վերլուծությունը: Այսպես, ԼՔԵ ճիշտ լինելն Ա. Ավետիսյանի հետևություններն ու պնդումները՝ Լալայանի սխալ կարծիքի վրա խարսխված, ապա դրանք պետք է ամրապնդվեն նաև մատենագրական աղբյուրներով, որոնք միակ հուսալի երաշխիքն են հետևությունների կամ պնդումների ստուգության ու ճշտության:

Իսկ ի՞նչ են ջուլց տալիս հենց Քանատ վանքի պատերին դրոշմված արձանագրություններն ու ձևապահական աղբյուրները. դրանք միաբերան վկայում են, որ Աղբերց վանքի, այնուհետև Գլաձորի համալսարանի գոյատևման ամբողջ ընթացքում և դրանից հետո էլ Քանատ վանքի հիշվում է իր սեփական անունով՝ իբրև մշակութային առանձին հիմնարկություն, որին բազմիցս արվել են նվիրատվություններ և տրվել ընծայականներ, որտեղ եղել են միաբաններ, որոնք ոչ միայն ձեռագրեր են արտագրել՝ թեև սակավ քանակությամբ, այլև պատարագ են մատուցել այս կամ այն ընծայաբերի ու նվիրատուի պատվին, երբեմն էլ՝ մանավանդ արձանագրություններում, այդ մենաստաներ հիշվում է միայն իբրև թուխտ սուրբ Ստեփանոսի՝ կամ ժողովրդի նշանի: Ավելին, ի հակառակն դատելով իրողությունները, կարող ենք առանց վերապահության ասել, որ այդ արձանագրություններում ու Քանատի վանքում արտագրված ձևագրական հուշարձաններում ակնարկ անգամ չկա Աղբերց վանքի կամ Գլաձորի մասին, որից կարելի լիներ ինչ-որ աղբյուրներ կամ առնչակցություններ հաստատել միջնադարյան այդ երկու մենաստանների միջև: Բավարարվենք միայն մի երկու փաստ մեջբերելով:

1307 թվականին Պոռ իշխանի հարսը՝ Քանատի վանքին արած նվիրատվության առթիվ հետևյալ արձանագրությունն է քանդակել տվել նրա պատերից մեկում. «Կաման աստուծոյ ես Քանատ, դուստր Ուրբանի ամուսին Հասանայ ասպարսպետին Հայոց որդոյն Պոռայ, և տու ընծայ չալալ ընչից իմոյ հայրին տանս մեր Քանատի վանքից առաջի սուրբ նշանիս, որ յայրապետ և միաբանք սահմանեցին Գ պատարագ ինձ աւագ հինգըսթին աւրն Հոգւոյն զայստեան, ք Փոխման Աստուածաձեւին. կատարէ՛լն աւրհնին»³⁶: Քանատի վանքի մի այլ արձանագրության մեջ կարդում ենք. «Կաման Աստուծոյ ես Աւրան ափայս և իմ որդիքս միաբանեցաք սուրբ Ստեփանոսիս և սուրբ նշանիս և տվաք ճ. ղեկան ընծայ. վարդապետք և միաբանք սահմանեցին զարաթն Զատկին. կատարիչք աւրհնին յԱստուծոյ. թվին 926 (1326)»³⁷: Իսկ 1335 թվականին գրված հիշատակարանում, ի շարս այլ վանքերի կից պարուն Հայրուտի կողմից կառուցված ժողովանոցներին, նշվում է նաև Քանատի վանքին. «Յանուն աստուծոյ և կարողութեամբ սուրբ Հոգւոյն ես պարուն Հայրուտս շինեցի զաղօթանոցն մեր սուրբ մենաստանացս զՔարի վանուցս, զՔանատի վանուց. և զսուրբ Կաթողիկէի. զի այն էր խնդրուածք իմ յԱստուծոյ, և զնեցի ի Սպարտի որդոյ Մահմատայ զձորի յեզեր ձիթահանքն սուրբ կաթողիկէիս լուսացու, և ետու ի ձեռն Իրանոս քահանային (նույն ճաշոցի ստացողին) վասն փրկութեան հոգւոյ իմոյ և արևշատութեան զաւակաց իմոց: Ես Առաքել վարդապետս միջնորդ և վկայ եմ իս հաստատ և անդարձ վախմիս, ի թուարեութեանս հայկազեան տումարի 927 (1335)»³⁸:

Ուշագրավ է, որ բերված սույն արձանագրություններն ու ձևագրի հիշատակագրությունը միաժամանակ վերաբերում են Գլաձորի համալսարանի գործունեության ամենափայլուն շրջանին: Բնականաբար, հարց է ծագում. ինչպե՞ս կարելի է տրամաբանորեն համառոտել ու աղբյուրներ հաստատել Քանատի և Գլաձորի միջև, մինչև անգամ դրանք նույնացնել՝ ա՛յն ղեկավար, երբ զուգահեռաբար մեզ են հասել, մի կողմից՝ բազմաթիվ ձևագրական աղբյուրներում Գլաձորի համալսարանի մասին հիշատակությունները, մյուս կողմից՝ Քանատի վանքի պատերին քանդակված արձանագրություններն ու ձևագրի աղբյուրների հիշատակագրությունները՝ առանձին-առանձին: Դա անհարիր բան է: Ավելին. ունենք նաև վկայություն Գլաձորի գոյատևումից նույնիսկ մեկուկես դար հետո՝ Քանատի վանքի մասին, որի միաբաններից Հովհաննես անունով մի

³⁶ Ղ. Ա ի շ ա ն, Սիսական, էջ 121, հմմտ. նաև Գ. Հ ո վ ս ե փ յ ա ն, Խաղբակեանք կամ Պոռնեանք..., մ. Գ, էջ 17:

³⁷ Ղ. Ա ի շ ա ն, Նույն տեղում, էջ 122:

³⁸ Գ. Հ ո վ ս ե փ յ ա ն, Խաղբակեանք կամ Պոռնեանք..., մասն Գ, էջ 101:

գրիչ 1491 թվականին «Գեղամայ Գաւառ գիւղում» արտագրել է մի ճաշոց. այդ նշանակում է, որ Քանատի վանքը գոյատևել է մինչև 15-րդ դարի վերջերը՝ ինքնուրույնաբար, իր մեջ ունենալով գործող միաբանություն: Այս կապակցությամբ «Ճանապարհորդական նկատողութիւնք» հոդվածաշարում կարդում ենք. «... Ալիքսանդրապօլու մօտ, Ղանիչայ գիւղում, Մարմաշինու վանքի մէջ ես տեսել եմ մի ձեռագիր ճաշոց, որ ինչպէս երևում է նորա յիշատակարանից, արտագրած՝ է Գեղամայ Գաւառ գիւղում, 940 հայոց կամ 1491 Փրկչի թուականին: Նորան արտագրել է Յովհաննէս անուն կարգաւոր, որ եկել է Քանատի վանքից, երբ է աթոռ սուրբ հայրապետին Սիւնեաց տէր Ստեփաննոսին»³⁹: Սույն վկայությունը ծանրակշիռ փաստարկ է նաև այն բանի օգտին, որ Քանատ վանքը և Գլաձորը երբևէ էլ նույնական չեն եղել, այլ, ընդհակառակն, Քանատ վանքը իր գոյատևման ամբողջ ընթացքում ճանաչվել է միայն իր սեփական անունով՝ առանց բռնկ ազեւս կամ առնչություն ունենալու Աղբերց վանքի կամ Գլաձորի հետ: Այդ պատճառով էլ միանգամայն մերժելի է Ա. Ավետիսյանի փաստազուրկ և անձնապաստան հայտարարությունը. «Մենք հակված ենք այն կարծիքին, — գրում է նա, — որ Գլաձորի հեագույն և հիմնական անվանումը եղել է ոչ թե Աղբերց վանք, ինչպես ենթադրել է Ղ. Ալիշանը, այլ Քանատի վանք»⁴⁰, ու դեպ նկատենք, որ Ալիշանի հասցեին արված դիտողությունը բոլորովին անտեղի է, որովհետև Գլաձորի «հնագույն և հիմնական» անունը Աղբերց վանք լինելը, ինչպես վերը տեսանք, ոչ թե Ալիշանն է «ենթադրում», այլ՝ ձեռագրական աղբյուրներն են հավաստում...:

Այսպես, ուրեմն, ամփոփենք. փաստերի քննությունը հանգեցնում է մեզ երկու գլխավոր հետևություններին.

1. Դեռևս մինչև 13-րդ դարի վերջին տասնամյակը Գլաձորը աղբյուրներում հայտնի է եղել միայն Աղբերց վանք անունով. այլ կերպ ասած՝ ուսումնական այդ կենտրոնի Գլաձոր անվանումը ոչ միայն ներսես Մշեցու օրոք առհասարակ չի եղել, այլև չի եղել Սասնի նշեցու ուսուցչապետության սկզբնական շրջանում՝ մինչև 1290-ական թվականները: Առաջին տեղեկությունը Գլաձորի մասին հաղորդվում է 1291 թվականից:

2. Մի անգամ վերանվանվելով Աղբերց վանքը որպես Գլաձոր՝ հարատևում է վերջինս իբրև այդպիսին մի ամբողջ հիսունամյակ, լայն ճանաչում գտնելով գիտական և ուսումնական շրջաններում՝ ինչպես պատմական Հայաստանում, այնպես էլ Կիրիկյան Հայաստանում. եթե Գլաձորի գոյատևումն ու ճակատագիրը, ի շարս սոցիալ-տնտեսական և քաղաքական գործոնների փոփոխման, կապված է եղել նաև Սասնի նշեցու հետ (որի մահվամբ էլ Գլաձորը սուղվում է միջնադարի մշուշում, որով և դադարում են բոլոր տեսակի հիշատակագրությունները Գլաձորի մասին), ապա Քանատի վանքի գոյության մասին ձեռագրական աղբյուրները շարունակում են հուշել մինչև անգամ Գլաձորի անկումից մեկուկես դար հետո:

Л. Г. Хачерян

К ВОПРОСУ ОБ УПОМИНАНИИ ГЛАДЗОРА В ИСТОРИЧЕСКИХ ИСТОЧНИКАХ

Р е з ю м е

В статье пересматривается и подвергается критическому анализу вопрос о том, с какого времени встречается в рукописных сведениях наименование крупнейшего научного центра средневековой Армении — Гладзор. На основании фактов, с помощью широкого использования рукописных источников показано, что Гладзор до последнего десятилетия 13 в. был известен лишь под названием Ахберц ванк. Первые сведения о Гладзоре датируются 1291 годом. Ахберц ванк был переименован в Гладзор и в течение целого пятидесятилетия находил всеобщее признание как крупнейший научный и культурный центр.

39 Ք ա չ ր Ե Ր Ը Ն Ի, Ճանապարհորդական նկատողութիւնք, «Արարատ», 1889, էջ 104:

40 Ա. Ա վ Ե տ Ի ս յ ա ն, Գլաձորի համալսարանը, «Էջմիածին», 1956, ք. Ե—Գ, էջ 86:

В статье критикуется и отвергается также выдвинутый в последнее время довод, согласно которому произвольно предполагается, будто Гладзор и монастырь Танат являлись различными названиями одного и того же культурного центра. С помощью рукописных сведений показывается, что хотя Гладзор и монастырь Танат по своему месторасположению находились по соседству, но как культурные центры существовали отдельно, независимо друг от друга, и каждый из них упоминался в рукописных источниках под определенным названием. Эти филологические уточнения имеют важное значение с точки зрения всестороннего изучения истории зарождения крупнейшего центра научной мысли средневековой Армении — Гладзорского университета.